



Skuština preduzeća J.P. „Komunalno“ Breza

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine FBiH“, broj 34/03 i 65/13), člana 28. Statuta Javnog preduzeća „Komunalno“ d.o.o. Breza broj: 1157-07-05-33-2./18. od 07.05.2018. godine i Odluke o raspisivanju Javnog konkursa za izbor i imenovanje člana Nadzornog odbora JP „Komunalno“ d.o.o Breza broj: 01/1-02-1789/19 od 16.07.2019. godine, Skupština JP „Komunalno“ d.o.o. Breza, o b j a v l j u j e

JAVNI KONKURS

za izbor i imenovanje člana Nadzornog odbora JP „Komunalno“ d.o.o. Breza

Objavljuje se javni konkurs za izbor i imenovanje člana Nadzornog odbora u Javnom preduzeću „Komunalno“ d.o.o. Breza, kako slijedi:

1. Nadzorni odbor JP „Komunalno“ d.o.o Breza – 1 (jedan) član.

I – OPIS POZICIJE

Nadzorni odbor ima sljedeće nadležnosti:

- nadzire poslovanje Preduzeća, usvaja poslovne strategije i planove poslovanja;
- nadzire rad Uprave, te odobrava odluke strateškog karaktera;
- usvaja izvještaj Uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- podnosi Skupštini godišnji izvještaj o poslovanju Preduzeća, koji obavezno uključuje finansijski izvještaj i izvještaj revizora, Nadzornog odbora i Odbora za reviziju;
- bira predsjednika Nadzornog odbora;
- bira Upravu preduzeća;
- saziva Skupštinu preduzeća;
- priprema Etički kodeks i predlaže ga Skupštini Preduzeća;
- predlaže Skupštini Preduzeća kupovinu, prodaju, zamjenu, uzimanje kredita i drugim transakcijama imovinom, direktno ili posredno, u toku poslovne godine, u obimu većem od 33% knjigovodstvene vrijednosti imovine Preduzeća po bilansu stanja na kraju predodne godine;
- predlaže Skupštini Preduzeća raspodjelu i način upotrebe dobiti te način pokrivanja gubitka,
- imenuje i razrješava članove Uprave Preduzeća, u skladu sa odredbama Statuta,
- vrši i druge poslove utvrđene zakonom, Statutom i drugim normativnim aktima Preduzeća.

Mandat članova Nadzornog odbora je za period od 4 godine, odnosno do isteka mandata članova Nadzornog odbora imenovanih 27.03.2017. godine.

Naknada za rad članova Nadzornog odbora utvrđena je općim aktom preduzeća.

II – OPĆI USLOVI

Kandidat treba da ispunjava sljedeće opće uslove:

1. Da je državljanin Bosne i Hercegovine;
2. Da je stariji od 18 godina;
3. Da nije otpušten iz državne službe kao rezultat disciplinske mjere, bilo na nivou države ili entiteta i to u periodu od 3 godine računajući od dana objavljivanja Oglasa za upražnjenu poziciju;
4. Da nije pod optužnicom Međunarodnog suda za ratne zločine u bivšoj Jugoslaviji (IX tačka 1. Ustava BiH);
5. Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine FBiH“, broj 34/03);
6. Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH („Službene novine FBiH“, broj 70/08);
7. Da nije osuđivan za krivično djelo i privredni prijestup nespojiv sa dužnošću u instituciji za koju se kandiduje, 5 godina od dana pravosnažnosti presude isključujući vrijeme zatvorske kazne;
8. Da nije lice kojem je pravosnažnom presudom Suda zabranjeno obavljanje aktivnosti u nadležnosti institucije u kojoj se kandiduje.

III – POSEBNI USLOVI

Pored općih uslova, kandidat treba da ispunjava sljedeće posebne uslove utvrđene Statutom Javnog preduzeća „Komunalno“ d.o.o. Breza broj: 1157-07-05-33-2./18. od 07.05.2018. godine i Odlukom o kriterijima za imenovanje na pozicije u reguliranim tijelima Općine Breza broj: 01/2-05-141/2017 od 20.01.2017. godine:

1. Da ima VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja iz tehničkih, ekonomskih, pravnih, društvenih ili prirodnih nauka;
2. Da ima najmanje tri godine radnog iskustva na poslovima svog stručnog naziva;
3. Da ima stručno znanje iz oblasti organizacije, djelokruga i načina rada javnog preduzeća;
4. Da nije član Nadzornog ili Upravnog odbora, odnosno Odbora za reviziju u više od jednog privrednog društva;
5. Da ima sposobnost upravljanja finansijskim sredstvima i ljudskim resursima, te da je sklon timskom radu;
6. Da ima sposobnost za savjesno, odgovorno i odlučno obnašanje pozicije, što će biti utvrđeno na intervjuu;
7. Da je zadovoljio stepen znanja tražen na intervjuu, i
8. Da ne postoji sukob interesa

IV POTREBNI DOKUMENTI

Uz prijavu na oglas kandidati su dužni dostaviti sljedeće dokumente:

1. Kraću biografiju sa ličnim podacima,
2. Uvjerenje o državljanstvu ili ovjerena kopija CIPS-ove lične karte
3. Diploma o stečenom stručnom zvanju (ovjerena fotokopija),
4. Uvjerenje o radnom iskustvu koje ima važnost javne isprave,
5. Ovjerene izjave kandidata na okolnosti iz tački – Opći uslovi pod 3, 4, 5, 6 , 7 i 8. i tačke - Posebni uslovi pod 3, 4, 5, 6 i 8.

V PODNOŠENJE PRIJAVA

Oglas za podnošenje prijava ostaje otvoren 14 dana od dana objavljivanja oglasa i računa se od datuma posljednje objave.

Podnosioci prijava s kojima se ne stupa u kontakt u roku od 8 (osam) dana od isteka roka za podnošenje prijava neće biti razmatrani u daljem procesu imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor u regulirane organe.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjua.

Nakon intervjua Komisija će putem pisane preporuke predložiti rang - listu sa najboljim kandidatima i dostaviti je Skupštini javnog preduzeća na dalje razmatranje i konačno imenovanje.

Bilo koji kandidat ili bilo koje drugo lice - član javnosti može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se Skupštini javnog preduzeća, a kopija se dostavlja Ombudsmenu BiH.

Oglas će biti objavljen u Službenim novinama Federacije BiH, u dnevnom listu „Oslobođenje“, na web stranici Općine Breza, na oglasnoj tabli Općine Breza i oglasnoj tabli JP „Komunalno“ d.o.o. Breza.

Nepotpune i neblagovremene prijave neće se uzimati u razmatranje. Dokumenti koji se prilažu uz prijavu na Oglas moraju biti original ili ovjerene kopije ne starije od šest mjeseci.

Neblagovremene i nepotpune prijave neće biti razmatrane.

Prijave za Javni oglas dostaviti u zatvorenoj koverti sa naznakom:

„PRIJAVA NA JAVNI OGLAS - NE OTVARATI“,

na adresu: OPĆINA BREZA, Komisija za provođenje postupka po Javnom konkursu za izbor i imenovanje člana Nadzornog odbora u JP „Komunalno“ d.o.o. Breza, Ulica Bogumilska broj 1. 71 370 Breza

